

Genre	Chanson zur Zeit, Basler Mundart / Deutsche Version: Paradies
Kurzbeschreibung	Was damals wirklich geschah (Alternativtitel: Paradysöpfel, Sündefall)
Veröffentlicht auf	Borninbasel CD2
Besetzung	Aernschd Born Gesang Gitarre, Michael Pfeuti Kontrabass, Roland Fischer Percussion
Aufgenommen	Crealize-Studio Basel 2002
Akkorde, Noten, Griffe	Zweite Seite
Anhören	http://www.musicday.com/player/?band=aernschd-born&song=70r

1 A

Wär kennt si nit, die Gschicht vom Paradiis?
Wie dSchlange isch ko z zeechele, wie si fiis
d Eva zue sich anegwungge het:
Hey Eva, lueg, was ich dir schängge wött

Uf dr ganze wite Wält do gits
Wie d Eva äini isch, kai zwäite Wunderfitz
Was hesch, frogt d Eva dSchlange, für e Dingerli
In diine winzige glänzige glitschige Schlangefingerli?

1 B

D Schlange het, was jede wüsse mues
In däre alte Zyt no Hand und Fuess
Und e hälli Schträhne in dr Schlangemähne
Und e Brüllegstzell
Macht se intellektuell
Und dSchlampiohre muesi au erwähne

2 A

Ich wäiss, es isch verbote, aber nimm
Säit dSchlange, do mi Gschängg, sisch halb so schlimm
Im Gägetail, dä Wunderöpfel git
Euch Mensche d Herrschaft über euri Zit

Ab jetz bestimmsch du sälber frisch und frei
Ob Mitternacht isch oder halber drei
Ob schlofe wöttisch oder lieber nit
Das Ding macht di zur Herrin über d Zit

2 B

So het die Schlange d Eva überzügt
Dass si mit so me Öpfel richtig tiggd
Und d Eva rennt zum Adam, wo no pennt
Hey, Penner, verloss di Traum
Die Schlange äne am Baum
Säit, es sigi Zit fürs Zitmanagement

3 A

Ich weiss, es isch verbote, doch das Ding
Das macht bibibib und klingeling
Und zwar genau, wenn mir ihm s hän befohle
Die liebi Schlange isch s für uns go hole

Dr Adam isch sofort total begäischeret
Wie mit däm Gschängg me äifach s Läbe mäischeret
Und dSchlange het de bäide fiis verzellt
Wie me das Wunder uffzieht und dä Wegger schtellt

3 B

Das unterschäidet dMensche vo de Affe?
Dä Wegger säit euch, wenner müen go schaffe!
Und wo d Mensche hän in suure Öpfel bisse
Het e Wegger tschätteret
Und e alte Gräis het gwätteret
Und scho sin em sini Närke grisse

4 B

I mues euch, heter sauer gfluecht, beschtrofe.
Dä suuri Öpfel soll euch nümme lo schlofe
Und d Zit, die hütet sich und schlicht drvo
Ohni Hand und Fuess
Das isch die grächti Buess
Göhn zum Deufel und segglet hindenoo!

Schluss A/B

Dä Wegger, das isch dr Bewis
Mir läbe läider nümme im Paradiis
Mir bruuche ihn eso wie s däglich Brot
Obwohl er uns däglich
Eso unsäglich
Und unerträglich
Uff e Wegger goht


Paradiis zweite Seite

Akkorde Noten Griffe

© Aernschd Born 2001

im Buch mit 2 CDs «Born in Basel»

Leichtfüssig



A

C Em Dm G

Wär kennt si nit die Gschicht vom Pa- ra- dys

C E Am F

d E- va zue sich a- ne- gwung- ge het: Hey E- va

C G C G

lueg was ich dir schäng- ge wett

B

E7 Am

D Schlan- ge het was je- de wüs- se muess in

G C

dä- ren al- te Zyt no Hand und Fuess Und e

E7 Am

hel- li Schträh- nen in dr Schlan- ge- mäh- ne

F C F C

und e Brül- le- gschtell macht sen in- tel- lek- tu- ell Und

F G C G

d Schlam- pi- oh- re muess i au er- wäh- ne

C Em Dm G E Am F E7